




**Gewisse Zeittung, von wunderlichem Streydt, so sich in dem Wasser im Mittnächtigen Meer, mit den Häringen in Norwegen, und in der Luft, ob dem Wasser under den Gäntzen und Endten, gegen Mittag an der Crabatischen Gräntzen oder Frontier zugetragen hat, und in der Lufft ein Streydt gehalten und sich also zerbissen, das ihr viel hondert auff die Erden gefallen, im nechsverschiedenen Monat den iii. unnd iiiii. Decembris, so man Christmonat nennet, anno 1587**

<https://hdl.handle.net/1874/9107>

# Gewisse Zeitung /

Von wunderlichem Streydt / so sich in dem Was-  
ser im Mittnächtigen Meer / mit den Haringen in  
Norwegen: vnd in der Lustt / ob dem Wasser vnder  
den Gänzen vñ Endten / gegen Mittag an der Gra-  
batischen Gränzen oder Fontier zugetragen hat /  
vnd in der Lustt ein Streydt gehalten / vnd sich also  
zerbissen / das ihr viel Hondert auff die Erden  
gefallen / im nechsiuerschienen Monat  
den iij. vñnd iij. Decembris / so  
man Christmonat nen-  
net / Anno 1587.



Getrucke zu Eölln / Bey Nicolauß Schreiber /  
vnder Sechszehenhäusern / 1588.

# Gemeintes Streydts

oder Kampffs/ Glaubwürdige auch War-  
hafftige erzehlung vnnnd  
Beschreibung.



**G**ibt die erfahrung (Guthertzli-  
ger Leser) vnzweiflich/ wie nechst/  
verschiedenē M. D. LXXXVZ  
jahrs/ den viij. Octob. in Maes-  
landt/ nach langem vnd vielfelti-  
gem zusammen stossen vñ streidten

der Haring im Norwegischen / Mittnächtigen  
Meer/ ein theil den andern so hart vnd gewaltig be-  
trangt/ das die Schifflucht/ der orten wessendt/ Hā-  
ring zu fangen/ ihre Ruder oder Riemen vnter das  
Wasser auff sie gestossen / aber die Haring so dick  
auffeinander zu getrungen / so gewaltig gleich als  
führten sie einen Streydt gegen einander / das sich  
die Schifflucht mercklich darüber verwundert / wie  
sie gemelte ihre Riemen recht auffstehen vnd stecken  
haben sehen bleiben/ haben sie einen gefangen/ der  
sich insonderheit bey den Schiffluchthen genahet vnd  
beygefügt/ als wolt er sagen/ schet/ hie bin ich/ fange  
mich/ Dieser hat ein Farb anzusehen gehabt/ wie

ein brennende Kohl/ so flammen von sich gäben/  
mit Buchstaben bezeichnet/ so demselbigen Haring  
zu beyden seiden/so hart als Eysen eingetruckt ge-  
wesen. Was nun solche Buchstaben/ nach dem Les-  
ben hieoben abcontrafeit/ vnnnd denen der Vniuersi-  
tet von Kostiok zu gesonden/ ihr vrtheil darüber zu-  
geben/bedeuten (dann der Principal Haring von  
wunders wegen dem König von Demmarck als  
baldt auch zugeschickt worden) das wollen wir her-  
nach erkläre/ wann wir nach diesem Haring's sireyt/  
in Norden gegen Mittnacht/ auch von einem ande-  
ren Streidt/ in Zunden gegen Mittag / glaubwür-  
dige Relation gethan werden haben/wie folgt.

Den iij. vnnnd iij. Decembris nechstuerschinen  
jahrs M. D. LXXXVJ. seindt vnstätlich viel  
Endten / vnnnd Gänse auff der Fontier von Graba-  
ten/oder (wie mans sonst neñet) Gratien / bey obern  
Bossen (welches jetzt dem Türcken vnderworffen)  
zu Wibitsch angeflogen/dermassen/das die Wasser  
vnd Landt allenehalben voll Vögel gewest/ die ha-  
ben V. ganzer Nacht nacheinander ein grosses ge-  
schrey vnnnd grossen Alarma gemacht / vnnnd in der  
Lufft ein Schlacht miteinander gehalten / haben  
auffeinander mit den Schnäblen destossen/ dasz ihr  
viel hundert gebißner vnd verwundter oder gequet-  
ster/auff

ster / auff die Erden auß der Luft oben herab Todt  
vnd Lebendig gefallen / Dergestalt das mancher  
Bürger zu Wihitsch mit seinem Gesindt Zwenhun  
dert vnd Achtzig / ihr etlich Hundert auffklaubet ha  
ben / vnd ist das Volck darauff groß vnd klein hin  
auß der Statt gelauffen / Körb / Manden / vñ Säck  
vol mit sich eingebracht / welches ein mercklich wun  
der zu sehen ist gewesen / vnd das Volck gantz hefftig  
darab erschrocken vnd verzagt worden / vor solchem  
grausamen wunder. Das hat der Hauptmann des  
orths Wihitsch / geheissen Fridrich Lärman / vnd  
andere Glaubwürdige Personen / an Erzhertzog  
Carl von Osterreich / mit obseyten Worten also für  
ein gewisse vñ warhafftige Warheit zugeschrieben /  
vnd wie mancher in die Zwenhundert Endten vnd  
Gänße in Rauch gehangen. Das sey aber also von  
der Histori beyde der gemelten Streidte hie mit ge  
nug / vnd in kurz erzelt.

Auslegung der Wunderbarlichen erzehlung des  
Härings vnd Endten Kriegs / was derselbig vñ  
geschehlich zu bedenten habe.

**D**IE auslegung dieses Streidts bedarff  
zwar keines Daniels / wie Danielis am  
v. vnd vij. Cap. auch keines Josephs / wie  
Genesis im 41. Cap. Dieweil sie sich selbst / Erslich  
U iij durch

durch die Buchstaben / so auff beyden sendten des  
 ferorig flammenden gefangenen Haring gefunden  
 wirdt/eröffnet/ vnd an tag gibt/mit dem/ das an-  
 fänglich/auff einer sendten vier Latinische Buchsta-  
 ben VICI/ das ist so viel gesagt / Ich habz über-  
 wunden: Darnach zweyen ander HA/die bedeuten  
*Haleces, Anseres & Anates*/Haring/ Gänß vñ Endten/letz-  
 lich aber vier Buchstaben / nemlich in LI. das ist  
 in krafft des Elfften vnd Neunden Buchstabens.  
 Auff der andern sendten des Haring steht in der  
 mitten ein character oder zeichen wie ein Hebreisch  
 Schin/darauff drey Zäcken einer Cron/welche mit  
 einem kleinen runden circel/○. so in solchem zeichen  
 gefunden angedeutet/vnd dem oberwinder zugeeig-  
 net wirdt/der nit allein *Trinus*/sonder auch *Vnus* ist/wel-  
 ches/durch das V.auff einer sendten / vnd das N.  
 auff der andern / mit zweyen eingeschribnen I. I.  
*Vnitibus*/neben dem gemelten runden ○. in der mitte/  
 zuuerstehn wirdt geben.

Damit hastu also nit allein die Widerspännigen  
 durch die fliegende Thier in Lüfften / sonder auch  
 durch die Fisch vnd Haring im Meer lauter ange-  
 zeigt/ wann man das Wasser für Völcker außlegt/  
 wie Apocal.am xiiij.geschicht: sonder auch den über-  
 winder derselben clärlich angedeutet/ dem billich die  
 Cron

Cron des Siegs zugeeignet muß werden/ der wöl-  
 le alle rechte Christglaubige Menschen/ sonderlich  
 diß gegewertig jar behüte **M. D. LXXXVJ.**  
 dauon so lang zuuor geschrieben vñ gesagt worden/  
 wie mercklich vñd wunderbarlich dasselbig seyn  
 wirdt. Fürwar m n hört jetz nichts anders als von  
 grossen Krieg vñd Blutuer giessen/ hin vñd wider/  
 vñd Ehetrer zeit/ vñ geschehen mercklich viel Wun-  
 der zeichen/ Vñd das es fast dahin lendt/ O Brus-  
 der wo hast du dich erhalten/ vor grosser bekümme-  
 rniß oder forcht / dann die Welt wirdt je länger je  
 Gottloser / vñd kompt ein Blutschuldt ober die an-  
 der/ Darumb wirdt die Welt in jamer stehen/dann  
 es werden auch die Thier auff dem Felde/ vñd die  
 Vögel vñder dem Himmel/ vñd die Fisch im Meer  
 trawrig seyn vor forcht. Gott wölle vns in seinen  
 Göttlichen/ gnädigen Schutz vñd Schirm auffne-  
 men/ damit wir nach lang gehabter Widerwer-  
 tigkeit/einmahl sagen mögen / mit dem  
 Königlichen Propheten Da-  
 uid im 45. Psalm.

ADIVtor In tribV LatlonibV  
 qV e InVenerVut nos nIMIs.